

К ОПУБЛИКОВАНИЮ

КОМИ РЕСПУБЛИКАЛӨН ОЛАНПАС

«Коми Республикаын ашшөр уджалысьяслысь инöдьяс торья дорйысь йылысь» Коми Республикаса Оланпасö вежсьöмьяс пыртöм йылысь

Примитöма Коми Республикаса
Каналан Сöветөн

2024 вося вöльгым тöлысь 28 лунö

1 статья. Пыртны «Коми Республикаын ашшөр уджалысьяслысь инöдьяс торья дорйысь йылысь» Коми Республикаса Оланпасö (Коми Республикаса канму власьт органьяслөн индöд-тшöктöмьяс, 2013, 17 №, 355 ст.; 2019, 18 №, 266 ст.; 2021, 10 №, 181 ст.; 2022, 15 №, 240 ст.; 2023, 5 №, 76 ст.) татшöм вежсьöмьяс:

1. 3 статьяö содтыны татшöм сюрöса 4¹ юкөн:

«4¹. Торья дорйысьöс индöм йылысь примитöм помшуöм йылысь Коми Республикаса Юралысь юöртö Россия Федерацияса Президент бердын ашшөр уджалысьяслысь инöдьяс торья дорйысьлы татшöм помшуöм примитан лунсянь вит лунысь оз сёрджык.».

2. 4 статьяын:

1) 1 юкöнын «Россия Федерацияса Президент бердын ашшөр уджалысьяслысь инöдьяс торья дорйысьлөн представление серти либö сылөн сöгласлун серти» кывьяс киритны;

2) 2 юкөн гижны тадзи:

«2. Торья дорйысьлысь уджмогьяссö кадколастысь водз дугöдöны сэк, кор:

1) сійö кувсьö;

2) ёрд шуис сійöс кывкутны вермытöмөн, мыйтакö кывкутны вермытöмөн, юöртöг вошöмаөн либö кувсьöмаөн;

3) сы серти вынсяліс ёрдлөн мыждан приговор;

4) дугöдöма Россия Федерацияса гражданство либö босьтöма суйöрсайса канмулысь гражданство (подданство) либö босьтöма олöм вылö кабала либö мöд документ, мый эскöдö Россия Федерацияса гражданинлысь суйöрсайса канму мутасын пыр олöм вылö инöдсö.»;

3) содтыны татшöм сюрöса 2¹ юкөн:

«2¹. Россия Федерацияса Президент бердын ашшөр уджалысьяслысь инöдьяс торья дорйыськöд сöгласуйтöмөн Торья дорйысьлысь уджмогьяссö вермöны кадколастысь водз дугöдны сідзжö сэк, кор:

1) сійö сетö уджмогьясысь дугöдчöм йылысь гижöм заявление;

2) дыр кад чӧж (нӧль тӧлысьысь абу этшаджык) сійӧ оз вермы пӧртны олӧмӧ ассьыс кывкутана могъяссӧ дзоньвидзалун вӧсна, мый эскӧдӧма медицина боксянь кывкӧртӧдӧн, либӧ мукӧд помка вӧсна;

3) воштӧс эскӧмлун «Коррупциялы паныд удж нуӧдӧм йылысь» Федеральнӧй оланпасын 13¹ статьяӧн урчитӧм случайясын;

4) сійӧ оз кутчысь Федеральнӧй оланпасӧн, мукӧд федеральнӧй оланпасӧн да Коми Республикаса оланпасьясӧн урчитӧм корӧмъясӧ, дзескӧдӧмъясӧ да ӧлӧдӧмъясӧ.»;

4) содтыны татшӧм сюрӧса 5 юкӧн:

«5. Торъя дорйысьлысь уджмогъяс дугӧдӧм йылысь примитӧм помшуӧм йылысь Коми Республикаса Юралысь юӧртӧ Россия Федерацияса Президент бердын ашӧр уджалысьяслысь инӧдъяс торъя дорйысьлы татшӧм помшуӧм примитан лунсянь вит лунысь оз сӧрджык.».

2 статья. Тайӧ Оланпасыс вынсялӧ сійӧс официальнӧя йӧзӧдан лун бӧрын дас лун кольӧм мысти.

Коми Республикаса Юралысьлысь
могъяс недыр кад чӧж олӧмӧ пӧртысь

Р.Э. Гольдштейн

Сыктывкар
2024 вося ӧшым тӧлысь 9 лун
88-РЗ №